

Visoki predstavnik Inzko sastao se s ministrom vanjskih poslova Crne Gore Lukšićem

Visoki predstavnik Valentin Inzko danas se u Sarajevu sastao sa zamjenikom premijera i ministrom vanjskih poslova i evropskih integracija Crne Gore Igorom Lukšićem.

“Uslovi za članstvo u EU i NATO-u predstavljaju okvir za napredak u Bosni i Hercegovini i nemaju alternativu. Postizanje pomaka je od vitalnog značaja za vraćanje ove zemlje na pravi put. To je zadatak domaćih političkih lidera, a međunarodna zajednica neće uraditi posao umjesto njih”, rekao je visoki predstavnik.

Inzko je pohvalio posvećenost Crne Gore ostvarenju svog cilja i pristupanju EU i NATO-u. „Svojom opredijeljenošću za provođenje reformi Crna Gora predstavlja primjer za druge zemlje u regionu”, istaknuo je Inzko.